

ALAIN IRIART BIL TA GARBI SINDIKATUKO LEHENDAKARIA

«Erraustekoa egin behar dela diote, baina inork ez du nahi bere lurretan»

Bacheforesko planta 2005ean itxi behar dute eta dudarik gabe errausteko planta berriaren kokaguneak bazterrak harrotuko ditu. Horrez gain Hendaia Partzuergoaren baitan aritzeko gutizia adierazi dio Bil ta Garbi hondakinen tratamendurako sindikatuari.

Aitor Renteria | HIRIBURU

Duela urtebete sortu bazen ere, joan den astean hautatu zuten Bil ta Garbi sindikatuaren zuzendaritza. Alain Iriart Hiriburuko auzapez abertzalea izendatu dute lehendakari.

■ Zer ekarri du Bil ta Garbi sortzeak?

Urrats garrantzitsua izan da. Nehork ezin du hondakinen gaia bere aldetik konpondu, elkarrekin egin behar dira gogoe-tak. Bizi Garbian biltzen diren herriak kanpo egonen direla adierazi dute baina gogoetetan parte hartzen dute. Kostaldeko zein barnealdeko herri ororen partaidetza erdietsi dugu eta hori da garrantzitsua. Bulego edo zuzendaritzaren hautaketa oreka horren bermea da.

■ Bozka kopuruengatik arazoak sortu ziren sindikatu handi eta tipien artean?

Kostaldean bizi da jende gehiena, haiek ekoizten dituzte hondakin gehienak, beraz zentzuzkoa da kostaldeak ukan dezan pisurik handiena sindikatuari. Ni Hiriburuko auzapeza naiz eta erdiko gunea esaten zaion horretan kokatzen gara. Denek daukagu oreka atzemateko eta atxikitzearen beharra. Ikerketak lurralde osoa hartu behar du. Erantzukizunaren arabera, logikoa da ikerketen gastuen parte handiena kostaldeko herriek har dezaten. Oreka hori hautsi gabe aitzinatu behar dugu. Hiriburuko bezalako herri ertain bateko auzapeza Bil ta Garbiko lehendakari izendatuz, oreka horren gutizia azpimarratzen da.

■ Errausteko plantaren kokapenak herri tipiak ohiltzen ditu?

Logikoa da herri tipiaren ikuspegia. Lurrak dituzte eta hondakinak kostaldean ekoizten dira nagusiki. Alabaina arazoa ez da hain soila. Egun ditugun azpiegiturak ez dira egokiak, ez dituzte legeak betetzen. Denbora gutiren buruan berriak eraiki beharko dira, sobera denbora galdu dugu. Lehenik behar dugun tresna hautatuko dugu elkarrekin, inguruan eztabaidatu eta eman behar diren urratsak antolatu. Hondakinen bilketa Herri-

GAIZKA IROZ



ko Etteen eskumena izanen da. Bil ta Garbik garraioaren erantzukizuna hartuko du. Hondakinak metatzeko gunea nonbait kokatu beharko da eta hori den artean hautatu beharko dugu. Ez da zernahi egiten. Zentzugabekeria dirudi balizko errausteko hori hondakinak metatzen diren gunetik 100 edo 200 kilometrora ezartzea. Abian ezarri dugun ikerketak argitu beharko du kokagunea. Eta berri ere eskumenen afera plazaratzen da. Zer da orain egiten duguna? Hondakinak hartu eta lurperatu. Horrela segituz, nola ko Euskal Herria utziko diegu gure ondokoei? Denek dakigu hautua zaila izanen dela. Denek diote egin behar dela baina nehorik ez du bere lurretan nahi.

■ Hazparne hurbilago dago. Hori izanen da kokagunea?

Hazparne edo Hiriburuko, oraindik ikerketa ez da eginga. Bil ta Garbiren estatutuaren argi eta garbi aipatzen da kokagunea finkatzeko herriak ukanen duela azken hitza. Eta adostasunak zabalagoa izan behar du. Hondakinen gaia sindikatuaren egituratua dago eta ondoko herrien adostasuna ere beharko da. Gai horretan indar berezia hartzen du. Baiona-Angelumiarritzek (BAM) pisu handia daukate Bil ta Garbin baina zuzendaritza osatzerakoan orekaren espiritua atxiki dugu, egitura handiak zein tipiak ordezkatuak dira eta hori garrantzitsua da geroaren bermatzeko

■ Hendaia Partzuergoaren konpondu nahi du. Zuek?

Erabakia hartu du baina oraindik Bil ta Garbiren baitan dago. Ez bekigu ahanzt ere prefetaren

gutuna, egitasmoaren bideragarritasuna oztopatuz. Nire aldetik badakit hango ikerketak biziki aitzinatuak daudela. Partzuergoarekin harremanetan sartu beharko dugu, ikusi zer egiten ari diren, zehaztu elkarrekin bultzatzea daitekeen egitasmoak. Lurralde ikuspegitik aztertu behar da gaia. Guk tipiagoea egin genezake eta gaudituak gaudelarik hara eramanez. Edo kontrarioa. Partzuergoarekiko harremanak bereziki zainduko ditut eta topagune berriak sortzen entseaturiko naiz. Gipuzkoak ere aski zehazturik ditu bere egitasmoak eta, funtsean, hirurek elkarrekin aztertu beharko dugu gaia, nahiz eta gero bakoitzak bere aldetik hartu erabakiak.

■ Hondakinen harat-honata izanen dira Iparraldearen eta Gipuzkoaren artean?

ERRAUSTEKO

«Kokagunea finkatzeko herriak ukanen du azken hitza»

GIPUZKOA

«Bidea bada guztien arteko egitasmo bat egiteko, eta, beraz, aztertuko dugu»

Ikerketa abiatu aitzin ezin daiteke erran baina aterabideak atzeraman behar ditugu. Galdera hori dago: egitasmo orokor bat egin daiteke guztien artean? Europak bideak irekitzen ditu eta, legez mailan zein teknikoki, ikertu behar ditugu.

■ CADEk auzitara joko du dioxinen kasuan. Nola ikusten duzue konponbidea?

Hondakinena gai minbera da eta guztiek dakigu arazoa ezin dugula utzi gero konpontzeko. Normala atzematen dut CADEk bere ikuspegia adieraztea eta guk kontuan hartuko dugu. Estatutuaren Aholkularitza batzordea aipatzen da. Ingurumenaren alde diharduten elkarteek beraien iritzia eta ikuspegia emateko parada ukanen dute. Alabaina ezin dugu 50 urte pasatu solasean. Sobera denbora galdu dugu eta egoera jasanezina da. Bizpahiru urteren buruan hondakinen gaiari aterabide errealek eman behar dizkiogu eta gero ekipamenduak egokitu.

■ Bacheforesko erraustegia 2005ean itxiko da. Aterabiderik bada epe horretarako?

Dagoeneko legea ere ez dugu betetzen. Hiru urte ditugu ekipamendu berria egiteko eta epe hori laburra da. Urtearen hastapenean Bil ta Garbiren Biltzar nagusia egingen dugu eta norabide nagusiak finkatuko dira. Ondoren, talde teknikoak eratuiko da. Herri elkarteetako teknikariek parte hartuko dute bertan. Politikarien xede nagusiak eta teknikarien aholkuak uztartuz kargu txostena osatuko dugu. Il-do nagusietatik gauzapenera jo behar dugu. Hor dago zailtasun nagusia. Adibidez, garraioa elkarrekin egitea adostu dugu baina non kokatuko da metagunea? Nondik ibilaraziko ditugu hondakinak? Kamioiez ala trennez? Erraustegi bat behar dugu? Bi? Ezin daiteke honen ondoan bertze zerbait ezarri osagarri gisa? Gaia bere osotasunean ikertu behar da eta mementoan guti erran daiteke nahikeria hori azpimarratzea ez baldin bada.